



SESION ORDINARIA DO PLENO DA CORPORACION CELEBRADA O DIA VINTEOITO DE ABRIL DE DOUS MIL CATORCE

Na Casa Consistorial do Concello de Agolada, sendo as doce horas trinta minutos do día vinte e oito de abril de dous mil catorce, baixo a Presidencia do Sr. Alcalde Presidente D. Ramiro Varela Peón, e coa asistencia dos concelleiros: D. Hector Miguel Martinez Sanz, D. Alberto Vilariño Coego, doña Yolanda Ferro Mourelle, D. Alberto Vilariño Coego, D. Carlos Fernandez Mendez, doña Yolanda María Varela García, D. Juan Manuel Ramos Buján, D. José Rivas Vazquez, D. Juan Carlos Sanchez Fuciños, D. Berardo Conde Balado, e D. Manuel Ferro Prieto asistidos do Secretario da Corporación, D. Antonio Candal Caridad, celébrase a sesión ordinaria convocada o día de hoxe, pasandose seguidamente o estudio e deliberación dos asuntos incluidos na Orde do día, adoptándose os seguintes acordos:

1º.- ACTA ANTERIOR.- A Corporación en votación ordinaria e por unanimidade acorda aprobar o borrador da acta da sesión de data vintecinco de febreiro de dous mil catorce.

2º.-DECRETOS ALCALDIA.- Dase conta dos seguintes:

a) Decreto de data 10 de marzo de 2013 polo que se aproba a liquidación do Orzamento xeral de 2013, dar conta o Pleno da Corporación e ordenar a rendición de dita liquidación na Oficina Virtual das Entidades Locais.

Polo Sr. Rivas se fai constar que no informe de Intervención de evaluación do cumprimento do obxectivo de estabilidade presupuestaria no axuste SEC-95 no apartado de tasas e outros ingresos figura en dereitos recoñecidos 2013 figura a cantidade de 85.723,00 euros, cando debería figurar a cantidade de 207.582,99 euros. Se quedou en revisar o mesmo.

b) Decreto de data 18 de marzo de 2014 polo que con motivo de período de vacacións do Secretario Interventor dende o 24 de marzo ata o 4 de abril de 2014, se delegan tódalas funcións e atribucións na funcionaria interina, doña María Crespo Varela.

A Corporación se da por enterada.

3º.-PROPOSTA COMPLEMENTO ESPECIFICO XULGADO DE PAZ.- Dase conta da Proposta da Alcaldía que literalmente dí:

"Dada conta que desde o pasado un de febreiro de dous mil catorce exerce o cargo da Secretaría do Xulgado de Paz de Agolada a funcionaria interina, dna. María Crespo Varela, función que comparte coas que xa ten atribuidas no Concello, faise necesario acordar a retribución polo desempeño do mesmo, polo que propoño o Pleno da Corporación a adopción do seguinte acordo:

Fixar en 304,23 euros mensuais as retribucións do funcionario polo desempeño do cargo. Dita cantidade a cobrará a funcionaria a través do incremento do seu complemento específico.



Sendo permisible de acordo co disposto na Lei de Réxime Xurídico e Procedemento Administrativo Común, de 30 de novembro, artigo 57.3, establecer a retroactividade da eficacia e validez do presente acordo ó día 1 de febreiro de 2014.

A Corporación en votación ordinaria cos sete votos favorables dos concelleiros do PP, é abstención dos tres concelleiros do PSG-PSOE e do concelleiro non adscrito, acorda aprobar dita proposta.

**4º.-MOCIONS GRUPOS MUNICIPAIS.ROGOS E PREGUNTAS.**-Previa declaración de urxencia por unanimidade dos asistentes, dase conta do seguinte Proposición:

O alcalde presidente do Concello de Agolada (Pontevedra), presenta á consideración do pleno a seguinte Proposición, instando a que a reforma da Lei Orgánica do Poder Xudicial garanta a conservación na comarca do Deza dos seus órganos xudiciais.

#### EXPOSICIÓN DE MOTIVOS

O artigo 24 da Constitución consagra o dereito que teñen todas as persoas a obter a tutela xudicial efectiva dos xuíces e tribunais para a defensa dos seus dereitos e intereses lexítimos.

Pero o poder xudicial, ademais de garantir o respecto dos dereitos fundamentais de todos, debe mellorar a súa eficiencia e axilidade, o que redundará nun reforzamento da seguridade xurídica e na redución da litixiosidade. Acadar ámbolos doux obxectivos implica necesariamente achegar os servizos de xustiza á ciudadanía.

A actual Lei Orgánica do Poder Xudicial foi aprobada en 1985 e ao longo destes praticamente 30 anos sufriu case 40 modificáns. Sen embargo, estas reformas parciais non conseguiron unha adaptación das estruturas da Xustiza á realidade económica, social e xurídica do século XXI.

O pasado 4 de abril o Ministro de Xustiza presentou ante o Consello de Ministros o anteproyecto de Lei Orgánica do Poder Xudicial. O texto deste anteproyecto debe pasar agora os trámites de informe preceptivo que deben emitir o Consello Xeral do Poder Xudicial, o Consello Fisical e o Consello de Estado, sen prexuízo doutros ditames ou informes que o goberno puidera requirir. Con posterioridade, o texto, coas modificáns que o goberno considere incluír, será aprobado en Consello de Ministros e iniciarase o trámite parlamentario en Congreso e Senado.

É dicir, polo momento, estamos nunha fase completamente inicial, onde este texto pode experimentar cambios que enriquezan o seu contido.

Neste senso, dende o grupo de goberno do Concello de Agolada entendemos que a irrenunciable urxencia de acadar un mellor modelo de eficiencia nos servizos de xustiza ten que ser compatible coa cercanía destes mesmos servizos ao ciudadán.

Baixo esta premisa, a reforma da L.O.P.X. debe ter en conta as características e peculiaridades de territorios e comarcas que, como o Partido Xudicial de Lalín, fan necesaria a existencia de órganos xudiciais competentes independentemente da súa denominación, so pena de derivar cara unha administración de xustiza más onerosa para o administrado.

Neste senso, a L.O.P.X. debe garantir que, á hora de deseñar a organización territorial xudicial, se establezan órganos xudiciais en lugares distintos das capitais de provincia, sempre baixo a consideración de determinados criterios que así o aconsellen: criterios tales como o volume de poboación existente (máis de 45.000 habitantes conviven nesta comarca), a carga de traballo dos órganos xudiciais actuais ou a distancia coa capital provincial (máis de 80 quilómetros dende a capital da comarca), ademais de que a comarca de Deza conta cun edificio xudicial en condicións óptimas e de recente creación,



concello de  
agolada



Tel: 986 788 062/063  
Fax: 986 788 190  
[concello@agolada.es](mailto:concello@agolada.es)  
<http://www.agolada.es>

hai en Galicia, que actualmente ten operativas dúas salas e que podería ter unha máis en funcionamento.

Manter na comarca de Deza os actuais órganos xudiciais e os Xulgados de Paz contribuirá a manter o reequilibrio territorial na zona e no interior de Galicia ao manter servizos aos cidadáns dunha ampla zona rural e a fixar a poboación vencellada directa e indirectamente ao exercicio das labores xudiciais como funcionarios, avogados, procuradores, peritos, etc.

Pola súa particular idiosincrasia e carácter emprendedor, o Partido Xudicial de Lalín presenta un importante dinamismo empresarial o que xenera en paralelo unha considerable actividade xudicial, moi superior en litixiosidade a de zonas más rurais que áinda contando cunha poboación semellante ten menos actividade. Esta actividade xudicial vencellada ao dinamismo empresarial conleva a indispensabilidade duns servizos xudiciais próximos e accesibles a esta destacada masa de actividade emprendedora.

Por todas estas razóns, o Concello de Agolada somete á consideración do Pleno a adopción da seguinte

#### PROPOSICIÓN:

1.- Instar ao Goberno do Estado para que o texto de reforma da Lei Orgánica do Poder Xudicial garanta a existencia de órganos xudiciais en territorios distintos ás capitais de provincia, sempre tendo en conta determinados criterios obxectivos, como o volume de poboación, a carga de traballo dos órganos xudiciais existentes ou a distancia coa sede provincial, xa indicados e que se dan na comarca de Deza.

2.- En base aos criterios anteditos, demandar ante o Goberno do Estado que o Partido Xudicial de Lalín conserve os seus actuais órganos administradores de xustiza.

3.- Instar ao Goberno do Estado a que os concellos da comarca de Deza conserven os seus Xulgados de Paz.

\* 4.- Defender a organización territorial xudicial actual.

5.- Dar traslado desta proposición á Xunta de Galicia, ao Colexio Provincial de Avogados e Procuradores de Pontevedra e ao Consello Xeral do Poder Xudicial.

6.-Dirixirse aos colectivos representativos da comarca de Deza para recabar o seu apoio a esta moción, nominalmente aos de avogados, procuradores, Asociación de empresarios, de comerciantes, etc.



concello de  
agolada



Tel: 986 788 062/063  
Fax: 986 788 190  
[concello@agolada.es](mailto:concello@agolada.es)  
<http://www.agolada.es>

Sometida a votación dita proposta é aprobada polos sete favorables dos concelleiros do PP , tres dos concelleiros do PSG-PSOE favorables, é abstención do concelleiro non adscrito.

b) Don José Rivas Vázquez, na súa condición de Voceiro do Grupo Municipal Socialista no concello de Agolada, e ó abeiro do disposto nos artigos 91.4 e do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais presenta á consideración do Pleno da Corporación Municipal a seguinte:

#### MOCION

O Goberno ven de anunciar a supresión dos partidos xudiciais existentes en Galicia, para concentrar aos xuíces nas capitais provinciais e crear Tribunais de Instancia. En Galicia esa medida suporá a desaparición de 41 partidos xudiciais e unha fonda alteración do funcionamento da xustiza, da accesibilidade e dos custos derivados.

A unha cidadanía dispersa no territorio, debe corresponder unha planta dos servizos públicos que facilite o achegamento dos cidadáns. Os actuais partidos xudiciais veñen dando resposta a litixiosidade pero tamén a proximidade. Esquecer ésta non mellora aquela, so a cambia de lugar, pero crea outros problemas aos profesionais da xustiza, funcionarios, avogados, procuradores, entidades auxiliares, concellos e sobre todo aos cidadáns.

O Goberno do Estado paralizou os procesos de modernización tecnolóxica, de posta en funcionamento da nova oficina xudicial e de creación de prazas. Está anunciada a modificación dos Rexistros Civís.

O Goberno promulgou unha nova lei de taxas, disuasorias pola súa cuantía e restrictivas para as persoas con menos recursos. Agora a supresión dos partidos xudiciais incrementará os custos de desprazamento. Queda esquecida a defensa dos dereitos dos cidadáns e o acceso a unha tutela xudicial efectiva, como garantiza o artigo 24.1. da Constitución Española

#### ACORDOS:

Instar a Xunta de Galicia a reclamar ao Goberno de España o mantemento, neste caso do Partido Xudicial de Lalín.



Dita Moción é aprobada polos sete votos favorables dos concelleiros do PP, é tres dos concelleiros do PSG-PSOE, e finalmente abstención do concelleiro non adscrito.

c)Dase conta da seguinte Moción presentada polo concelleiro non adscrito D.Xosé Manuel Ferro Prieto, que literalmente dí:

O Goberno municipal de Agolada ten a previsión de facer pública a fase de avance do PXOM para Agolada a partires do día 29 de abril de 2014.

O concelleiro que subscrite, ao longo deste lexislatura municipal, ten presentado diversas iniciativas para que se lle impulso ao PXOM de Agolada. O PXOM é un documento fundamental para a definición dos obxectivos e estratexias do concello de cara ao futuro.

De conformidade co anterior, co dereito de información e coa fin de facer o máis participativa e aberta posible a sociedade aqualatense a definición e conformación final do PXOM, formúiese a seguinte, MOCION,

Para que se de a todos grupos políticos ou concelleiros municipais que o soliciten, copia en formato dixital do PXOM de Agolada nas distintas fases da súa tramitación, AVANCE, APROBACION INICIAL E APROBACION FINAL.

Dita Moción é aprobada por unanimidade dos membros da Corporación.

Don José Rivas Vázquez, na súa condición de Voceiro do Grupo Municipal Socialista no concello de Agolada, e ó abeiro do disposto no artigo 97.7 e do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais veño a plantexar aos órganos de goberno as seguintes:

#### PREGUNTAS:

a)Plan E obra de humanización do entorno do campo da feira, problemas de alcantarillado, reparcelación de parcelas.Polo Sr.Alcalde se resosta que en canto a reparcelación de parcelas, o proxecto está feito, e que hai que facer unha xunta de compensación.No tema do alcantarillado hai unha red xeral de 40 ou 50, e que esa persoa puxo un tubo pequeno, e botanlle grasas,e en consecuencia se atasca, terá que facer unha acometida, porque o tema público está ben.

b)Costes que supón para o Concello a apertura do recinto da feria o día 12.Polo Sr.Alcalde se manifesta que non hai custos.

c)Parque biosaludable da estrada de Lugo situación.Polo Sr.Alcalde se resosta que para o mes que ven se vai acabar.

d)P.X.O.M e nova lei do solo Galicia.Polo Sr.Rivas se manifesta que ainda que está de acordo con que se dé conta do avance, se debería estar quietos polos cambios que haya na nova lei, e que poideran afectar o P.X.O.M.

e)Concentracións parcelarias pendentes, xestións realizadas , titulos das rematadas.

Polo Sr.Alcalde se resosta que nas concentracións terminadas os títulos están para entregar, é que nas pendientes sin terminar habría que recoller firmas, que habría que poñer a alguien para recollida



concello de  
agolada



Tel: 986 788 062/063  
Fax: 986 788 190  
[concello@agolada.es](mailto:concello@agolada.es)  
<http://www.agolada.es>

de firmas en cada aldea. Polo Sr.Rivas se dí que habría que aproveitar o PXOM para recollida de firmas.

Polo Sr.Ferro concelleiro non adscrito se formulan as seguintes preguntas:

- 1) Auditorio de Agolada.Perspectivas¿Qué ten pensado o Goberno municipal?Polo Sr.Alcalde se resposta que se vai a facer un desglosado por fases, 1<sup>a</sup> cierre e 2<sup>a</sup> habilitar servicios.
- 2) Obra pública en Agolada neste ano 2014¿Qué se está a facer?Previsións.Polo Sr.Alcalde se manifesta que hai adxudicadas catro tramos de asfaltado, é hai un novo Plan da Deputación a raíz dos temporales habidos.
- 3) Contratacións de persoal polo concello neste ano.Información(previsións , convocatorias).Polo Sr.Alcalde se resposta que hai unha oferta de emprego para 10 persoas dun plan da Deputación.
- 4) Lixo Sogama.Criterio de algúns concellos.Postura do goberno municipal de Agolada, Dotación, recollida e vaciado dos contenedores amarelos.Formación e información aos veciños sobre a boa utilización, compostaxe, e reciclaxe.Polo Sr.Alcalde se manifesta que non está de acordo coa subida do canon pero hai que pagalo.
- 5) Programación de actividades para maiores.¿Algunha iniciativa municipal?Polo Sr.Alcalde se manifesta que se están realizando actividades de gimnasia, e que hai que pedir presupuestos.

E non habendo máis asuntos de que tratar, sendo as trece horas trinta e cinco minutos do mesmo día, o Sr.Alcalde Presidente dou por finalizada a sesión , do que eu, Secretario certifico.

